



V N I V E R S I S et singulis christi fidelibus pntes has inspecturis salutem et apostolicam benedictionem. Licet is de cuius munere uenit, ut sibi a suis fidelibus digne et laudabiliter seruiatur, de abundantia sue pietatis, que merita supplicum, affectiuis muneribus, indulgentijs, salicet et remissionibus inuitamus, et saluatoris presertim nri Jesu christi doctrinam et uestigia imitari cupientes, qui cunctis semper fidelibus tam exemplo, quam salutaribus disciplinis pauperum et religiosarum personarum in humilitatis spiritu altissimo famulantium curam precipuam commendauit, ad ipsarum religiosarum personarum sustentationem studia nra libenter conuertimus, et ut potiora ipsis presidia proueniant, fideles quoslibet, quos in celesti patria collocari cupimus, ad hec et alia pia opera specialibus gratijs et muneribus benigne inducimus. Sane accepimus, quod capitulum generale fratrum ordinis Carmelitarum in Ciuitate Paduan proxime celebrandum est, ubi tum propter inopiam et religiose domus eiusdem ordinis paupertatem, fratres, qui tibi multi, et hi doctrina, virtute, studijs et zelo religionis ac fidei prestantia conuenire debent, commode et honeste sustentari nequeunt, Nos igitur, qui cupimus, ut dictus ordo, qui in vinea domini fructus uberes affert, temporalibus etiam sustentetur auxilijs, fidelesque ipsi eo libentius ad sustentationem ipsorum fratrum capituli manus porrigant adiutrices, quo se ex hoc maiora senserint spiritualia beneficia percepturos, De omnipotentis Dei misericordia ac beatorum Apostolorum eius Petri et Pauli auctoritate confisi omnibus christi fidelibus uere penitentibus et confessis, qui a primis vesperis Pentecostes proxime future usque et per totos quinque dies immediate sequentes Ecclesiam sancte Marie dicte domus eiusdem ordinis et Ciuitatis deuote uisitauerint seu uisitari fecerint, et per se uel per alios pro dicti Capituli sustentatione manus porrexerint adiutrices, ac ante Altare maius dicte Ecclesie orationem dominicam et totiens salutationem angelicam pro conseruanda pace et beneuolentia inter christianos Principes ac comprimendis christiane religionis hostibus, illisque et hereticis ad fidem et sanctam matrem Ecclesiam reuocandis flexis genibus recitauerint plenariam omnium suorum peccatorum remissionem, ac anni Jubilei indulgentiam de benignitate apostolica tenore preteritum concedimus et elargimur. Et insuper ut christi fideles hmoi qui ad eandem Ecclesiam prefato tempore uel prefatur confluent, conscientie pacem et animarum salutem Deo propitio consequantur, et indulgentie hmoi melius participes esse possint, benignius agere uolentes, dilecto filio Nicolao Aruete dicti ordinis Generali, uel quibus ipse commiserit, concedimus ut dicto tempore in Ecclesia supradicta aliquot patres dicti ordinis prebros deputare et instituire possint, qui ualeant auctoritate apostolica quoscumque christi fideles auditis eorum confessionibus ab omnibus censuris ac quantuncumque graui ac sancti Jacobi in Compostella, necnon religionis et castitatis uotis duntaxat exceptis, in auxilium dicti Capituli, seu in alia pietatis opera commutare libere et licite ualeant, etiam auctoritate apostolica tenore preteritum licentiam et facultatem concedimus. Non obstantibus quibuscumque constitutionibus et ordinationibus apostolicis, necnon Cancellarie apostolice regulis, ac similibus indulgentiarum et pro Cruciatu quibuscumque suspensionibus aut reuocationibus per nos aut predecessores nostros factis aut faciendis, a quibus omnibus quotiens ille emanauerint, istas exemptas fore decernimus, ac contra illas in pristinum semper statum reponimus, ceterisque contrarijs quibuscumque. Insuper decernimus preteritum transumptis manu Notarij publici subscriptis plenam ubique fidem adhiberi, ac si ipse originales hie exhiberentur. Preteritum pro dicto tempore et non ultra ualiturus. Datus Rome apud sanctum Petrum sub annulo piscatoris die xxvij Martij M D xxxij Pontificatus Nri Anno Nono.

i.  uanadita.

CITIZENSHIP

27 marzo 1532



Istituto Campana Osimo ®

